



SULEQATIGIISITSISUT
SAMARBEJDSPARTIET

EM2018/79

EM2018/50

Tillie Martinussen

22. oktober 2018

(Inatsisartuni ilaasortaq, Tillie Martinussen, Suleqatigiissitsisut)

Kingusinnerpaamik UKA 2019-mi aningaasarsiaqartitaanermut inatsisip allangortinnissaanut siunnersuusioqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut, tassani aalajangersarneqassalluni, Inatsisartunut ilaasortat Folketingimi ilaasortaasut imaluunniit aamma kommunalbestyrelsimi ilaasortaasut aningaasarsiaat appartinneqartassasut tassani atorfirmik aappaani aningaasarsiaasa amerlaqataannik aamma taamannak ilanngaassisoqartassasoq borgmesteritut, borgmesterilluunniit tullersortaattut atorfik eqqarsaatigalugu. Inatsit atortussanngortinneqassaaq tulliani Inatsisartunut qinersisoqarneraniit.

(Inatsisartuni ilaasortaq Niels Thomsen, Demokraatit)

Aningaasarsiaqartitaaneq pillugu inatsisip ilaasortaajunnaarnersiutisiaqartarnermut malittarisassartaasa allangortinnissaannut siunnersuuteqaqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut, taamaasilluni ilaasortaajunnaarnersiutisiaqarnerup nalaani akissarsiat tamarluinnaasa ilaasortaajunnaarnersiutisianit ilanngaatigineqarsinnaanngorlugit.

Nammineq siunnersuutinnut tunngatillugu soorunami inassutigaarput akuerineqassasoq.

Ullumikkutut ikkallartillugu qinigaaffigisimasat arlallit ataatsikkut akissarsissutaasinnaapput Inatsisartuni akissarsianit ilanngaatigineqaratik. Ilaasortat Nuup avataani najugallit aamma inissaqartinneqartussaapput, ullormusiaqarput Ataatsimiinnerullu nalaani aamma allanik ajunngitsorsiaqartinneqartarlutik, akissarsianut ilapittuutaalluartunik, illoqarfimmi najugaqavissunut naleqqiullugit.

Inatsisartuni akissarsiat qaffasingillat, kisianni naammapput allanut akissarsiarissaakannersunut naleqqiullugit qaffasinneruppulli sulisartut allat akissarsiaannut naleqqiullugit. Naapertuilluartumik tunngaveqarusulluni kissaateqarneq tunngavigalugu aamma sapinngisamik sulilluartuunerput ilimagalugu manna siunnersuut saqqummiupparput, siunertaralugu atorfiup ataasiinnaap akissarsissutigineqartalernissaa.

Qanimut tamat oqartussaaqataa nerat nukittorsarneqassaaq taamatullu sulinerit akissarsissutaasartut marlunnik qinigaaffeqaraanni - immikkut akissarsiaqanngikkaluarluni taamaakkaluartorli takutillugu piumasuseqarneq eqiasuissuserlu.

Aamma kommunalbestyrelsinu, Inatsisartuni immaqalu Folketingimi sinniisussatut atuullutik politikerinngorlaanngortussat aggersarneqartalissagaluarput politikimi piginnaanngorsarsinnaalerlutik siaruarteralutik sulisinnaanngorlugit qinigassanngortitani sallsat kisiisa periarfissinnagit, tamaasali



SULEQATIGIISITSISUT
SAMARBEJDSPARTIET

naligiimmik naak qinigassanngortittuni sallahat nippaarinnerusaraluartut tusagassiutiiniittarneqartik tusagassaqartitsivinnillu ujartorneqartarnertik pissutigalugu.

Siunnersuummi aamma siunertaavoq innuttaasut politikerinut tatiginninnerulernissaat aamma atorfimminnik ingerlatsinerat. Taamaasilluni siunissami arlariinnik qinigaaffeqartoqarsinnaassaaq ingasattumik akissarsiaqartinneqanngikkaluarluni akisussaaffiup tigummiarnissaanut.

Taamaasilluta inassutigaarput tamatumap akuerineqarnissaa.

Ilaasortaajunnaarnersiutisiaqarnerup nalaani akissarsiat tamarluinnaasa ilaasortaajunnaarnersiutisianit ilanngaatigineqarsinnaanngornissaat pillugu siunnersuut akorngutissaqanngitsutut isigaarput taamaatumik aamma inassutigaarput taassuma siunnersuutip akuerineqarnissaa.